



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

6 MAC 2022 (AHAD)



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE (KPDNHEP)

6 MAC 2022 (AHAD)

KPDNHEP siasat PPB naik harga gandum

PETALING JAYA: Kerajaan akan menyiasat syarikat atau pengeluar bahan mentah jika didapati menaikkan harga barang secara kerap, mendadak dan wujud unsur pencatutan.

Tidak terkecuali juga syarikat pengedar tepung gandum, PPB Group Berhad (PPB) yang dilaporkan menaikkan harga produk sehingga 10 peratus atas alasan perang antara Rusia dan Ukraine.

Bercakap kepada *Mingguan Malaysia*, Menteri Perdagangan Dalam Negeri dan Hal Ehwal Pengguna (KPDNHEP), Datuk Seri Alexander Nanta Linggi berkata, siasatan itu selaras dengan Akta Kawalan Harga dan Anti Pencatutan bagi mengelakkan manipulasi hingga menjejaskan rantaian bekalan makanan khususnya pengguna.

Bagaimanapun, katanya, kerajaan belum menerima sebarang aduan rasmi melibatkan syarikat itu, namun, pihaknya bersedia ambil tindakan jika PPB terlibat dalam semua 'kriteria' kesalahan undang-undang.

"Kerajaan sentiasa membuka telinga dan mata, cuba peka dengan kenaikan harga barang, tetapi, harga barang yang kerajaan sudah gazetkan sudah ada kawalan harga dan kalau belum digazet lagi, kerajaan akan memantau sahaja.

"Jika berlaku kenaikan harga hingga ke paras tidak munasabah, memang kerajaan akan siasat. Kalau harganya naik dalam kadar rasional, kita anggap sebagai kenaikan biasa tetapi jangan lupa, bukan semua harga barang boleh naik," katanya ketika dihubungi.

Khamis lalu, PPB dilaporkan terpaksa menaikkan harga barang ekoran krisis Rusia-Ukraine menyebabkan bekalan gandum terjejas, kenaikan harga komoditi lain, logistik, pengangkutan, cuaca dan kekurangan pekerja akibat Covid-19.